

- Pero ¿cómo callar cuando el asomu
del mió nativu llar óise 'n los gritos
de Cuadonga xentil? Tuéyase el gromu
20 si'l candellín atopa en sos espitos,
pos, yo, cuantas más soplan, non sé comu,
ascucho rebizcar más coscoritos.
¡lleve'l diañu les murries y les penes
y el moje escoloriáu fierva 'n les venes!
- 25 Empapielle el raitán, fuelgue'l cerricu,
so fueya el catasol triste engavielle,
el miruellu reidor pieslle so picu,
dexe'l sol de llucir y el prau argüelle;
ni'l probe estaye, ni folgueye'l ricu,
30 ni heba rapaz que sorba y escudielle,
que 'n mientras no me afueguen el sormiellu
rutirá'l ¡ixuxú! pe'l mió gargüellu.
¡Non l' hay mejor! Decídelo de veras
los que naciéstis en so nial de flores,
35 rebizcastis daqué per sos pradières,
gociastis sin gafura sos amores,
furacastis la ñuez, en las monteres,
cogiestis cocaraxos voladores
y como yo les voces de xiblata
40 oyéstis del malvisu y la ñarbata.
¡Asturies onde quier, en paz y en guerra!
¿qué val el Presti Xuan con so dineru,
Alimaña, el Braxil, Ingalaterra,
el turcu herexe y el rusiacu fieru?
- 45 Nin migaya, Señor, xunta mió tierra
que'l pasmu en antes joi del mundiu enteru,
y agora no hay dengún que a ella s' oponga
porque tien el mural de so Cuadonga.

XLVI

AMABLE GONZÁLEZ ABÍN

*La Candelera **

- Onde vas tan apurau,
Juacu, que avientas las piedras,
y paez que ti dieren jueu
y el diañu mesmu te lleva!
- 5 —Vo pa la gran romería,
la nombrada Candelera
que se celebra mañana
en esi xardin de Nueva,
ye de las fiestas meyores
10 que hay en muchísimas leguas;
fiesta que a veces alvierte
que ya va 'l inviernu juera,
cantando los paxarinos
y floreciendo las huertas.
- 15 Allí va xente de Llanes
y xente de Rivisella,
y en basna los de San Xurde
con Llamigu y Reinsena;
unos a pata y andando,
20 otros en patas ayenas;
coches que llevan caballos,
y coches que no los llevan,
y son esos atomóviles
que diz mió futura suegra,
25 que un diablín tienen per dientro
pa dayos güelta a las ruedas.
Pero, ven, y cuntareti
que e llarga la hestoria esta.
Ven, jallaremos castañas,

* *Bablistas*, págs. 318-320. Nació en Nueva (Llanes) en 1863; se licenció en Letras. Murió en Piñeres de Pría (Llanes) en 1911.

- 30 güena sidre y güena mesa.
 ¿Que hebo muy poca mazana
 Si, no argayaren con ella
 los mazanales, tampocu
 pa estruyan los collecha
 35 tuvieren que puxar munchu
 los llagares, pero, arrea,
 de alguna parte saldrá,
 non pases por ello pena.
 Oirás la misa, cantada,
 40 con música gayaspera,
 los cuetes, bombas y tiros
 y barrenos que atroneyan,
 y verás la prucisión
 tou alredior de l' iglesia.
 45 Dempués de alegre comida
 que el arroz con lleche cierra,
 vien la junción de la tardi,
 de curiosos lances llena.
 En un llau vienden pumares,
 50 guiyadas en otu mercan,
 y las naranxas del valle
 golorosas y mariellas,
 que paez que el oru colleren
 de los cielos y la tierra.
 55 Al mesmu tiempu que en baille
 la mocedá se solmena,
 y algunos formando corru
 muy tiernamente corteyan,
 corre en otros llaos la sidre
 60 y desátanse las lluegas.
 Allí me verás a mí
 parllar más que reñovera,
 espetando más mentiras
 que pelos tien mió cabeza.
 65 Allí sabrás los ajustes
 que jacen pa las teyeras,
 de palabra, y remoyáos

- por quedar la boca seca.
 ¿Qué si la cumplen asina?
 70 Tamién el aire la lleva.
 Y mócanla más de cuatro,
 sin esclupu ni vergüenza.
 ¿Si habrá guantadas y palos?
 Non digo que non los heba,
 75 pes anque vamos pa 'lante
 y están los guardias alerta,
 hay llampriazos que se pierden
 y llampriazos que se alcuentran.
 —Ya no me extraña que corras
 80 que paez que el diañu te lleva,
 pes cualquiera que te escuche
 vola pa la Candelera.
 Jacistimi entrar en ganas,
 engaitétime de veras;
 85 aguarda un pocu, rapaz,
 que vamos xuntos pa Nueva
 a echar una cana al aire
 en tan divirtida fiesta.